

# Sa laschar muventar – nossa Crestomazia online!

**Mintgin sa ch'i dat da quels che fan cultura retschavend paja persuenter. Mintgin sa ch'i dat da quels che fan cultura senza esser indemnisads. I podar ch'els retschäivan laud persuenter, forsa schizunt la medaglia Bene Merenti, ma betg paja.** Ils ins n'en betg menders ch'ils auters. Quels senza paja èn sulettamain pli fundamentals e probablamain pli autonoms. Vulair, vulair crear, concepir per sasez e per auters, quai èlur stimul per sa mover e muventar insatgi culturalmain. Ed il plaschiar e la ventira che resultan èn la paja.

Betg empruvar da surpledar insatgi, be metter en moviment. La cultura che vegn da sutensi è preziosa. L'engaschi cultural voluntar è emperméttent. Gist quai avain nus accentuà cura che nus avain mess a disposiziun als Rumantschs da Crestomazia Digitala.

Ozendì che bunamain mintgin ha in computer a chasa arriva mintgin immediat als texts da la Crestomazia en l'internet cun cliccar sin [www.crestomazia.ch](http://www.crestomazia.ch) e cun in clic sin «editur online» u «webba-sierter Editor».

Pia, igl è uschè simpel dad avair la Crestomazia a chasa sin maisa senza l'avair cumprada u emprestada. Tge schanzal ils texts da la Crestomazia san ins leger, copiar, curreger e commentar. Ma pertge curreger ils texts da la Crestomazia? Ils texts da la Crestomazia èn texts averts, uschia ch'els san vegnir excerptads electronicamain. Texts averts obtregn'ins sche il computer legia ils scans cun in program dad OCR. Questa identificaziun dals segns ha per consequenza sbags. Quels sbags san ils Rumantschs sezs curreger comparegiond il text modifitgabel cun il text original nunmidabel. Empruvi! Faschai in zichel lavur cumina per voss linguatg e curregi intgingas paginas. Sajas per ina giada activs en l'internet. La part la pli gronda è già curregida. I resta be da curreger in dumber da paginas en ils toms IV, VI e VII. La pli gronda part ha *Michele Badilatti* curregì. Tant idealissem, tanta energia e perseveranza ha be el gî, be el. Tge lavur enorma! In grond engraziament!

La Crestomazia originala da Caspar Decurtins en l'internet sco text avert

è da gronda muntada. Pli che 7000 paginas text or da 4 tschientaners dad in tozzel ortografias. Paraulas e ditgas, comedias e dramas, ligns e predis e protocols da vischnanca. L'emprima ovra da la [www.biblioteca-digitala.ch](http://www.biblioteca-digitala.ch)? Autras ovras suondon. Cun las funcziuns da retschertga in eldorado per filologs e linguists, etnologs, teologs ed istoriografs, per scolas ed universitads etc., ma era per il singul interessà. Usa che las funcziuns da retschertga vegnan meglieradas ed amplifitgadas! Tge ovras dastgan e duain suandar? Las gasettas? Tgi fa ina proposta? Tgi dals Rumantschs dat il dretg da publitgar ina da sias ovras en l'internet sut [www.biblioteca-digitala.ch](http://www.biblioteca-digitala.ch)? Forsa ina ovra exausta? Vus pudais scriver voss giavischs e vossa critica a: florentin.lutz@sunrise.ch.

Nus vulain prender qua la chaschun dad engraziar a la Banca Chantunala Grischuna per ses sustegniument, spezialmain al directur *Alois Vinzens* per sia avertezza e ses interess.

Florentin Lutz